



অবিলম্বে প্রকাশের উদ্দেশ্যে: 8/16/2022

গভর্নর ক্যাথি হোকল

অপরাধ সংঘটনের জন্য ব্যবহৃত আসল আগ্নেয়াস্ত্রের মতো দেখতে নকল অস্ত্রের উপর নিষেধাজ্ঞা জোরদার করতে গভর্নর হোকলের আগ্নেয়াস্ত্র নিরাপত্তা আইন স্বাক্ষর

*S.687/A.3998 আইন আসল আগ্নেয়াস্ত্রের মতো দেখতে নকল অস্ত্রের উপর নিষেধাজ্ঞা আরোপ করছে যদি না সেগুলো উজ্জ্বল রঙের হয় অথবা সম্পূর্ণরূপে স্বচ্ছ উপাদান দিয়ে তৈরি হয়*

অপরাধ সংঘটনের জন্য ব্যবহৃত হতে পারে এমন আসল আগ্নেয়াস্ত্রের মতো দেখতে নকল অস্ত্রের উপর বিধিনিষেধ জোরদার করতে গভর্নর ক্যাথি হোকল আজ S.687/A.3998 আইনে স্বাক্ষর করেছেন। এই নতুন আইন নকল অস্ত্রগুলো সহজে শনাক্তযোগ্য করছে, যাতে সেগুলো অপরাধ সংঘটনের জন্য ব্যবহার হওয়া প্রতিরোধ করা যায় এবং ছমকি মূল্যায়নের সময় আইন প্রয়োগকারী সংস্থাগুলো কোনো ডিভাইসকে নকল হিসেবে শনাক্ত করতে পারে।

"গভর্নর হিসেবে আমার শীর্ষ অগ্রাধিকার হচ্ছে নিউ ইয়র্কবাসীদের নিরাপদ রাখা, এবং এর মানে হলো অপরাধ সংঘটনের জন্য ব্যবহৃত সরঞ্জামের বিরুদ্ধে পদক্ষেপ গ্রহণ করা," **বলেছেন গভর্নর হোকল।** "আসল আগ্নেয়াস্ত্রের মতো দেখতে এসব সরঞ্জামের উপর বিধিনিষেধ আরোপ করাটা, বিভ্রান্তিকর ও সম্ভাব্য বিপজ্জনক সরঞ্জামগুলো আমাদের সড়ক থেকে সরিয়ে নেওয়া নিশ্চিত করবে, যা শিশু, আইন প্রয়োগকারী সংস্থা ও নিউ ইয়র্কবাসীদের নিরাপদ রাখবে।"

এই নতুন আইন আসল আগ্নেয়াস্ত্রের মতো দেখতে নকল অস্ত্রের উপর বিদ্যমান বিধিনিষেধসমূহ জোরদার করছে যেখানে অনুমোদনযোগ্য নকল অস্ত্রগুলো সহজে শনাক্তযোগ্য হওয়া আবশ্যিক করা হয়েছে: সেগুলো কালো, নীল, রূপালি বা অ্যালুমিনিয়াম রঙের হতে পারবে না, এবং অবশ্যই সাদা, উজ্জ্বল লাল, উজ্জ্বল কমলা, উজ্জ্বল হলুদ, উজ্জ্বল সবুজ, উজ্জ্বল নীল, উজ্জ্বল গোলাপী, উজ্জ্বল বেগুনি রঙের অথবা সম্পূর্ণরূপে স্বচ্ছ বা অর্ধস্বচ্ছ উপাদানের তৈরি হতে হবে। যদিও নির্দিষ্ট কিছু মিউনিসিপ্যালিটিতে নির্দিষ্ট কিছু নকল অস্ত্র ব্যবহারের উপর নিষেধাজ্ঞা রয়েছে, এই নতুন আইন স্টেটজুড়ে বিধিনিষেধগুলোর মধ্যে সঙ্গতি রক্ষা করবে। বিশেষ ব্যবহারের জন্য সাধারণ বিবেচনা বোধের সাথে সঙ্গতিপূর্ণ কিছু ব্যতিক্রমী ক্ষেত্রে, যেমন নাট্যাভিনয়ের জন্য নকল অস্ত্র ব্যবহার করার অনুমতি রয়েছে।

অ্যাটর্নি জেনারেলের দপ্তর (Office of the Attorney General) কর্তৃক প্রকাশিত ডাটা অনুযায়ী, নকল অস্ত্রকে সত্যিকারের আগ্নেয়াস্ত্র ভেবে ভুল করার কারণে নিউ ইয়র্ক স্টেটে কমপক্ষে 63টি

গোলাগুলির ঘটনা ঘটেছে, যার মধ্যে আটটি ঘটনায় প্রাণহানি হয়েছে, এবং নকল অস্ত্র দিয়ে নিউ ইয়র্ক সিটিতে কয়েক শতাধিক অপরাধ সংঘটিত হয়েছে।

এই মাসে গভর্নর হোকল [স্টেটজুড়ে আগ্নেয়াস্ত্র সংক্রান্ত সহিংসতা বৃদ্ধির বিরুদ্ধে লড়াই করার জন্য চলমান প্রচেষ্টার অংশ হিসেবে](#) আইন প্রয়োগকারী সংস্থাগুলোর রেড ফ্ল্যাগ আইনের ব্যবহার 93 শতাংশ বৃদ্ধি পেয়েছে বলে ঘোষণা করেছেন। জুন মাসে, গভর্নর হোকল [NYSRPA বনাম ক্রয়েন](#) মামলায় সুপ্রিম কোর্টের সিদ্ধান্তের প্রতি সাড়া দিয়ে একটি বিশেষ অধিবেশন আহ্বান করেছেন এবং [আগ্নেয়াস্ত্র সংক্রান্ত আইন শক্তিশালী করতে আইন স্বাক্ষর করেছেন](#)। এছাড়াও গভর্নর হোকল [অবৈধ আগ্নেয়াস্ত্র বিষয়ক আন্তঃস্টেট টাস্ক ফোর্স \(Interstate Task Force on Illegal Guns\)](#) গঠন করেছেন, যা স্টেটের মধ্যে অবৈধ আগ্নেয়াস্ত্র পরিবহনের বিরুদ্ধে লড়াইয়ের ক্ষেত্রে সাফল্য অর্জন করেছে।

**স্টেট সিনেটর ব্র্যাড হলিম্যান বলেন,** "অসম্পূর্ণ নকশার নকল অস্ত্র আমাদের শিশুদের জীবনের প্রতি অপ্ৰয়োজনীয় ও অপ্ৰতিরোধ্য ঝুঁকি তৈরি করে। 1994 সাল থেকে নকল অস্ত্রকে সত্যিকারের আগ্নেয়াস্ত্র ভেবে ভুল করার কারণে নিউ ইয়র্ক স্টেটে কমপক্ষে 63টি গোলাগুলির ঘটনা ঘটেছে, যার মধ্যে কমপক্ষে 8টি ঘটনায় প্রাণহানি ঘটেছে। কিন্তু, এখন থেকে নিউ ইয়র্কে খেলনা অস্ত্রকে আর আসল আগ্নেয়াস্ত্র ভেবে ভুল করা হবে না। আমি আনন্দিত যে নকল অস্ত্রের সুস্পষ্ট সংজ্ঞা নির্ধারণ করে দেওয়ার জন্য অ্যাসেম্বলি সদস্য আবিনাতির সঙ্গে আমাদের বিলটিতে গভর্নর হোকল স্বাক্ষর করেছেন, যেখানে খেলনা অস্ত্রগুলো উজ্জ্বল রঙের হওয়া অথবা সম্পূর্ণ স্বচ্ছ বা অর্ধস্বচ্ছ উপাদান দিয়ে তৈরি হওয়া আবশ্যিক করা হয়েছে, এবং যা আমাদের শিশু ও পুলিশ অফিসারদের জীবন সমানভাবে রক্ষা করবে।"

**অ্যাসেম্বলি সদস্য টম আবিনাতি বলেন,** "খেলনা অস্ত্র দেখতে আসল আগ্নেয়াস্ত্রের মতো হওয়ার কারণে বহু মানুষ নিহত বা আহত হয়েছেন এবং অনেক বেশি অপরাধ সংঘটিত হয়েছে। খেলনা বা নকল অস্ত্রগুলো যেন নকল বা খেলনা অস্ত্র হিসেবে চিনতে ভুল না হয় সে বিষয়টি নিশ্চিত করতে স্টেটজুড়ে একই ধরনের মানদণ্ড নির্ধারণ করে দেওয়ার মাধ্যমে এই নতুন আইন কিভাবে আমাদের কমিউনিটিগুলোকে অধিকতর নিরাপদ করে তুলবে সে বিষয়টি অনুধাবন করায় আমি গভর্নর ক্যাথি হোকলকে সাধুবাদ জানাই। আসল আগ্নেয়াস্ত্রের অপব্যবহার একটি বড় সমস্যা - আমরা চাই না আসল আগ্নেয়াস্ত্রের মতো দেখতে খেলনা অস্ত্রের কারণে এই সমস্যা আরো প্রকট হয়ে উঠুক।"

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবক্ষাইব করুন](#)